

**Zarjadniski předpis
Sakskeho statneho ministerstwa
za wědomosć a wumělstwo
k spožčenju myta za serbsku rěč Myta Zejlerja**

Z dnja 16. oktobra 2013

I.

Předmjet myta

Statne ministerstwo za wědomosć a wumělstwo založi myto za serbsku rěč Myta Zejlerja. Z Mytom Zejlerja maja so zasłužby na polu přiswojenja, nałožowanja a posrědkowanja serbskeje rěče – wosebje hornjoserbsčiny – hódnoćić.

II.

Mjeno myta

Myto je pomjenowane po basniku, publicisce a duchownym Handriju Zejlerju (1804–1872), kotryž plaći jako založer moderneje serbskeje literatury a kotrehož twórbje maja do džensnišeho pozitiwny wliw na serbsku rěč.

III.

Wuzwolenske kriterije

1. Myto Zejlerja spožči so njedźělene jednej wosobinje respektiwnje skupinje wosobow, kotraž je na polu přiswojenja, nałožowanja a posrědkowanja serbskeje rěče – wosebje hornjoserbsčiny – wusahowace wukony docpěła.
2. Myto Zejlerja so zjawnje njewupisa. Njeje móžno, so wo myto požadać. Čłonojo jury namjetuja kmane wosobiny abo skupiny wosobow. Namjetowanske prawo maja jeničce čłonojo jury.
3. Myto Zejlerja spožči so wosobinje respektiwnje skupinje wosobow jenož jónu.

IV.

Dotěrowanje

Myto Zejlerja je z 5 000 EUR dotěrowane. Wone so zhromadnje z wopismom přepoda.

V.

Jury

1. Wo připóznaću Myta Zejlerja rozsudzi statna ministerka/statny minister za wědomosć a wumělstwo na doporučenje čestnohamtskeje jury, kotraž so na slědowace wašnje zestaja:
 - a) zastupjer Statneho ministerstwa za wědomosć a wumělstwo,
 - b) zastupjer Rady za serbske naležnosće,
 - c) zastupjer Domowiny – Zwjazka Łužiskich Serbow z. t.,
 - č) zastupjer Serbskeho instituta z. t.,
 - ć) zastupjer wokrjesa Budyšin,
 - d) zastupjer wokrjesa Zhorjelc a
 - dž) zastupjer gmejnow serbskeho sydlenkeho teritorija Swobodneho stata Sakskeje.
2. Wobchodna rěč jury je zasadnje serbska. Předsydstwo jury přewozmje zastupjer Statneho ministerstwa za wědomosć a wumělstwo. Na časowu dobu šěsć lět po-mjenuja pod čislom 1 mjenowane institucije po swobodnym rozsudze wosobinu jako zastupjerja do jury. Statne ministerstwo za wědomosć a wumělstwo čłonow jury na spočatku wotpowědneho časa zastojnstwa wobkrući. Wospjetne pomjenowanje je móžne.
3. Po wotchadze čłona jury ma so hač do kónca šěsć lět trajaceho časa zastojnstwa wot delegowaceje institucije naslědnik postajić a wot Statneho ministerstwa za wědomosć a wumělstwo wobkrućić.
4. Za čłonow jury je spožčenje Myta Zejlerja wuzamknjene.

VI.

Jednanje jury

Jury rozsudzi z jednorej wjetšinu hłosow. Při runosći hłosow rozsudzi hlós předsydy. Wuradžowanja jury njejsu zjawne. Přeciwu rozsudej jury njeje prawniske postupowanje móžne.

VII.

Spožčenje

Statne ministerstwo za wědomosć a wumělstwo spožča Myto Zejlerja dwulětnje w měsće/mjesce serbskeho sydlenkeho teritorija Swobodneho stata Sakskeje. Přeni raz spožči so Myto Zejlerja w léće 2014. Zakonske prawo na spožčenje Myta Zejlerja njewobsteji.

VIII.

Wozjewjenje

Tutón zarjadniski předpis wozjewi so w **němčinje** a hornjoserbsčinjce.

**IX.
Nabyće plaćiwosće**

Tutón zarjadniski předpis nabudže džeń po swojim wozjewjenju plaćiwosć.

Drježdźany, dnja 16. oktobra 2013

**Statna ministerka za wědomosć a wuměłstwo
prof. dr. dr. Sabine Freifrau von Schorlemer**

Zuletzt enthalten in

Verwaltungsvorschrift des Sächsischen Staatsministeriums für Wissenschaft und Kunst über die geltenden Verwaltungsvorschriften des Staatsministeriums für Wissenschaft und Kunst

vom 28. November 2017 (SächsABl.SDr. S. S 417)